

UMP anjur program ubah wajah Kuala Pahang

[FOTO MUHAMMAD ASTRAF SAWAL/BH]



Kakitangan UMP melawat rumah peserta Projek Facelift D' Kuala di Kuala Pahang, semalam.

BERITA HARIAN (WILAYAH) 7/12/17 (CUHAMIS) A/5:94

Pekan: Universiti Malaysia Pahang (UMP) menjadi universiti awam pertama terbabit secara langsung dalam pembangunan infrastruktur, sosioekonomi dan transformasi minda sesebuah perkampungan menerusi projek Universiti Komuniti.

UMP memilih Kuala Pahang di sini, iaitu perkampungan nelayan berhampiran kampus utamanya selaras dengan slogannya 'Memasyarakatkan Teknologi' yang antaranya memfokuskan perkongsian kepakaran, serta teknologi demi memberi manfaat kepada masyarakat setempat.

Inisiatif itu turut disokong Perdana Menteri, Datuk Seri Najib Razak yang juga Ahli Parlimen Pekan, yang mengumumkan peruntukan khas bagi melaksanakan kerja pembaikan rumah di Kuala Pahang pada Julai lalu.

Naib Canselor UMP, Prof Datuk Dr Daing Nasir Ibrahim, berkata sebanyak 52 rumah penduduk Kuala Pahang diperbaiki menerusi

projek dikenali Projek Facelift D' Kuala dalam usaha menukar wajah dan identiti Kuala Pahang sebagai perkampungan nelayan, yang menyokong inisiatif pendidikan pelancongan dan Strategi Lautan Biru Kebangsaan (NBOS).

Menerusi program dikendalikan Fakulti Kejuruteraan Awam dan Sumber Alam UMP dengan kerjasama Persatuan Wanita UMP, beliau berkata, pihaknya mengecat rumah penduduk, melaksanakan kerja pembersihan, pengindahan, baik pulih dan pemasangan solar bagi memberi keselesaan penduduk.

Transformasi minda penduduk

"Tumpuan turut diberi dalam mentransformasikan minda penduduk dengan menekankan aspek pembangunan isi rumah dengan memberi motivasi, membangunkan ekonomi keluarga dengan projek kebun sayur fertigasi, program peningkatan akademik anak, ke-

mahiran hidup dan menanam sikap pentingkan kebersihan.

"Malah, kita turut menyokong penduduk tempatan melaksanakan kerja pertukangan dan merancang mewujudkan laman web khas untuk mempromosikan perkhidmatan mereka kepada masyarakat luar," katanya ketika ditemui di sini, semalam.

Daing Nasir berkata, projek Facelift D' Kuala itu antara lain juga bagi menyokong pembangunan Kompleks Medan Ikan Bakar dibangunkan UMP dengan kerjasama Majlis Pembangunan Wilayah Ekonomi Pantai Timur (ECERDC) yang mewujudkan peluang perniagaan makanan dikendalikan pengusaha kecil dan sederhana.

"UMP tidak hanya menumpukan kepada peranan utamanya sebagai sebuah universiti teknikal bagi melahirkan cendekian wan namun menggerakkan kerja kemasyarakatan di kalangan warganya selaras semangat asal pertumbuhannya," katanya.